



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Catechismvs, Dat is, De Christelijcke leeringhe/ in  
maniere van t'samen-sprekinghe tusschen den Meester  
ende den Discipel**

**Coster, Franciscus**

**T'Antvverpen, 1607**

Alle Priesters en vermoge[n] niet alle man t'absolueren.

**urn:nbn:de:hbz:466:1-39385**

M. Wat moet-men ten derden doen, om hem tot de biechte te bereyden?

D. Een vast ende cryses veur-nemen maecten/ gheen doodelijcke sonden meer te doen.

M. Hoe maect ghy dit propost?

D. *Ick pepse / oft segghe uptter herten: Heere, ick maecke een vast propost, van v niet meer te vergrammen met eenighe sonde; ick neme vastelijck veur my, dese oprechtelijck te biechten. Heere gheeft my hier toe gratie.*

M. Hoe noodt-saeckelijck is dit onder-soeck, berouw, ende propost van niet meer te sondighen?

D. Soe noodt-saeckelijck / dat de biechte van gheener weerden en soude wesen daer een van dese drie dinghen ghebrake: ende men soude oock ghehouden zyn / de biechten te her-halen die sonder een van dese ghedaen waren.

### Dan de Biechte.

M. Wat doet ghy hier nae?

D. Ick gae tot eenen gheleerden / wijzen / ende Godt-vruchtigen Biecht-vader / die maght heeft my van mine sonden t absolueren.

M. En hebben alle de Priesters gheen maght eenen yeghelijcken te absolueren?

D. Neen sy: dan inden uystersten noodt / all-men in perrikel van steruen is: want dan moghen alle Priesters eenen yegelijcken van alle sonden absolueren ende ont-slaen.

M. En is dan de biechte niet vrij?

D. Jae sy: om daer / sonder vrees van ouerghedraghen oft beclapt te zyn / alle v sonden te open-

openbaren / maer niet om Biecht-vaders te kies-  
sen nae uwen wille / die gheen maght en hebben.

M. Waer-om en hebben sy al de maght niet,  
daer sy al Priesters zijn ?

D. Om dat sy niet al onder-saten en hebbē (soo't  
bouen gheseght is) ten zy dat-se hen van d' Ouer-  
ste ghegheuen worden. Ende biechte gheschiedt  
vonnis / dat niemant / dan Ouerste ouer hun  
onder-saten / wijlen en can. Inden uytersten  
noodt worden alle Priesters onse Ouersten / om  
onse sonden te vergheuen.

M. Wie heeft dan maght, buyten den uytersten  
noodt, eenen yeghelijcken te absolueren van  
alle sonden ?

D. Inden eersten / de Paus van Roomen / ouer  
alle Christenen / als hoofdt der H. Kercken. Ten  
tweeden / de Bisschoppen / ouer al die onder hun  
Wisdome zijn. Ten derden / alle Pastours / ouer  
d'onder-saten van hunne Prochien. Ten vier-  
den / alle Priesters die hier toe van den Bisschop  
besquaem ghebonden zijn : ende dese maght van  
hem / oft vande Pastours ontfanghen hebben.  
Ten vijfden / alle / die van den Paus priuilegien  
hebben / aller Christenen biechten te hoorē. En-  
de alle dese vijf sorten van Biecht-vaders worden  
verstaen / deur uwen Priester, in't vierde ghebodt  
der H. Kercke: *Ghy sult uwen Priester eens s'iaers v  
biechte spreken.*

M. Moghen de Bisschoppen ende Pastours hun-  
ne onder-saten absolueren van alle sonden;  
ghelijck de Paus alle Christenen ?

D. Neen-sy: want daer zijn sommighe sonden  
die de Paus alleen vergheuen magh / oft de ghes-  
ne die hy daer toe maght ghegheuen heeft. Ghe-  
lijcker